

U skladu sa članom 20a. st. (1) i (2) Zakona o radu („Službene novine F BiH“ br. 26/16, 89/18, 44/22 i 39/24) i članom 4. Uredbe o postupku prijema u radni odnos u javnom sektoru u Federaciji BiH („Službene novine F BiH“ broj: 13/19, 9/21 i 53/21), na osnovu člana 15. Pravilnika o radu Dioničkog društva BH Telecom Sarajevo, broj: 00.1-14-83950-1/22, 00.1-14-24850-3/23, 00.1-14-34495/23, 00.1-14-4411/24, 00.1-14-32878-2/24, 00.1-14-68904/24, 00.1-14-68904-3/24 i 001-14-125847/24, te u skladu sa tačkom II Odluke o objavljivanju javnog oglasa za prijem u radni odnos, broj: 03.2.3.1-50-121490-2/24 od 08.05.2025. godine, nakon pribavljene saglasnosti Federalnog ministarstva prometa i komunikacija, broj: 07/1-45-2544/24 od 14.11.2024. godine, vršilac dužnosti izvršnog direktora Izvršne direkcije za pravne poslove, upravljanje organizacijom i ljudskim resursima Dioničkog društva BH Telecom Sarajevo objavljuje

## JAVNI OGLAS

za prijem radnika u radni odnos na neodređeno vrijeme u Direkciji za konvergentno jezgro, Izvršne direkcije za tehnologiju i razvoj servisa Dioničkog društva BH Telecom Sarajevo, na radnim mjestima kako slijedi:

- 1) **233. Junior Telecom engineer, VSS – 1 (jedan) izvršilac** u Službi za signalne platforme i roaming platforme, Sektora za govorno jezgro i signalne platforme, uz probni rad u trajanju do 6 (šest) mjeseci, sa mjestom rada u Kantonu Sarajevo i
- 2) **250. Telco System Administrator - VŠS - 1 (jedan) izvršilac** u Službi za sisteme poruka, Sektora za konvergentne platforme i servise, uz probni rad u trajanju do 5 (pet) mjeseci, sa mjestom rada u Kantonu Sarajevo.

### Kratak opis poslova za radno mjesto pod 1)

1. Vršiti administriranje, upravljanje, eksploataciju i održavanje platformi za koje je zadužen unutar Službe,
2. Učestvuje u aktivnostima vezanim za praćenje, upravljanje i unapređenje kvaliteta servisa, analizi performansi, testiranju i izradi prijedloga unapređenja,
3. Vršiti lociranje, dijagnostiku i otklanjanje alarmnih smetnji,
4. Učestvuje u pripremi investiciono – tehničke dokumentacije,
5. Učestvuje u radu tehničkih komisija,
6. Učestvuje u otkrivanju i sprečavanju raznih oblika zloupotrebe,
7. Prikuplja i analizira podatke za potrebe rješavanja žalbi korisnika,
8. Sarađuje sa mrežno servisnim operativnim centrom.

### Kratak opis poslova za radno mjesto pod 2)

1. Obavlja poslove upravljanja, eksploatacije i održavanja sistema i usluga u nadležnosti Službe u skladu sa važećim procedurama i pravilnicima,
2. Administrira podatke i usluga na elementima u nadležnosti Službe,
3. Učestvuje u manje složenim postupcima nabavke iz domena Službe u skladu sa važećim pravilnicima,
4. Prati razvoj tehnologija iz domena Službe,
5. Prati iskorištenost kapaciteta i sistemskih resursa u nadležnosti Službe i izvještava o tome,
6. Prati i izvještava o statističkim podacima, rezultatima mjerenja KPI-jevima,
7. Rješava tehničke problema nižeg nivoa složenosti u funkcionisanju elemenata iz domena nadležnosti,
8. Učestvuje u otklanjanju uzroka nastajanja smetnji/žalbi korisnika na elementima iz domena nadležnosti.

## I OPŠTI USLOVI (za oba radna mjesta)

- da je kandidat državljanin Bosne i Hercegovine,
- da ima opštu zdravstvenu sposobnost za obavljanje poslova navedenog radnog mjesta (samo kandidat koji bude izabran dužan je u roku od 5 (pet) dana od dana konačnosti Odluke o prijemu u radni odnos, dostaviti ljekarsko uvjerenje o zdravstvenoj sposobnosti, kao dokaz da njegovo zdravstveno stanje i psihofizičke sposobnosti odgovaraju svim uslovima radnog mjesta, a koje nije starije od 3 (tri) mjeseca).

## II POSEBNI USLOVI:

### Za radno mjesto pod 1)

- a) VSS (VII stepen stručne spreme ili visoko obrazovanje prvog ili drugog ciklusa stečeno po Bolonjskom sistemu studiranja sa 240 ECTS bodova u istoj struci) – sa završenim: Elektrotehničkim fakultetom ili drugim odgovarajućim tehničkim fakultetom, smjera: telekomunikacije, računarstvo i informatika, softver inženjering, elektronika.
- b) bez radnog iskustva u trajanju do 1 (jedne) godine ili sa radnim iskustvom u trajanju od najmanje 1 (jedne) godine, nakon sticanja potrebne stručne spreme.

### Za radno mjesto pod 2)

- a) VŠS (VI stepen stručne spreme/visoko obrazovanje I ciklusa studija, sa stečenih 180 ECTS bodova) sa završenim: Fakultetom tehničkih nauka, smjera: TK, RI, IT, softver inženjering, elektronika i

- b) bez radnog iskustva u trajanju do 10 mjeseci ili sa radnim iskustvom u trajanju od najmanje 10 mjeseci, nakon sticanja potrebne stručne spreme.

### III NAČIN PRIJAVE

**Kandidat je dužan dostaviti svojeručno potpisanu prijavu, uz koju je poželjno dostaviti biografiju (CV) .**

Uz prijavu se obavezno dostavlja original ili ovjerena kopija sljedećih dokaza:

#### **Za radno mjesto pod 1)**

- Diploma/diplome o posjedovanju tražene stručne spreme,
- Dodatak diplomi/diplomama (za kandidate koji su završili studij po Bolonjskom sistemu studiranja),  
(Napomena: Kandidati koji su završili I ciklus studija u trajanju od 6 (šest) semestara po Bolonjskom sistemu studiranja i stekli 180 ECTS bodova, dužni su dostaviti diplome i dodatak diplomama I i II ciklusa studija u istoj struci.  
Kandidati koji su u toku trajanja I ciklusa studija po Bolonjskom sistemu studiranja stekli 240 ECTS bodova, nisu dužni dostaviti diplomu i dodatak diplomi za II ciklus studija).
- Uvjerenje o državljanstvu (koje nije starije od šest mjeseci).

#### **Za radno mjesto pod 2)**

- Diploma o posjedovanju tražene stručne spreme,
- Dodatak diplomi (za kandidate koji su završili studij po bolonjskom sistemu studiranja),
- Uvjerenje o državljanstvu (koje nije starije od šest mjeseci).

#### **NAPOMENA I:**

U slučaju da, u toku postupka izbora kandidata za prijem u radni odnos, neki od kandidata ostvare jednak broj bodova, prednost pri zapošljavanju pod jednakim uvjetima u skladu sa Zakonom o pravima boraca i članovima njihovih porodica („Sl. novine FBiH“, br. 33/2004, 56/2005, 70/2007, 9/2027 i 29/2022) imat će kandidat koji ima svojstvo demobiliziranog branioca, člana porodice demobiliziranog branioca, djeteta šehida - poginulog branioca, umrlog ratnog vojnog invalida, ili umrlog dobitnika ratnog priznanja i odlikovanja.

Prednost pri zapošljavanju pod jednakim uvjetima kandidat ostvaruje, samo ukoliko pored opštih i posebnih uslova javnog oglasa, ispunjava i sljedeće:

- da je nezaposleno lice i
- da je demobilizirani branilac ili član njegove porodice, ili da je dijete šehida – poginulog branioca, umrlog ratnog vojnog invalida ili umrlog dobitnika ratnog priznanja i odlikovanja.

Prednost pri zapošljavanju pod jednakim uvjetima kandidati dokazuju dostavljanjem sljedećih dokaza:

- Uvjerenje o statusu nezaposlenog lica izdato od nadležnog organa za vođenje evidencije o nezaposlenim licima, ne starije od 15 dana od dana izdavanja i
- Rješenje/uvjerenje nadležnog organa o priznavanju svojstva demobiliziranog branioca, člana porodice demobiliziranog branioca, svojstva djeteta šehida-poginulog branioca, umrlog ratnog vojnog invalida ili umrlog dobitnika ratnog priznanja i odlikovanja.

#### **NAPOMENA II:**

- a) Svi traženi dokumenti moraju biti original ili ovjerena kopija.
- b) Prijava kandidata koja ne bude sadržavala sve dokaze zahtijevane javnim oglasom odbacit će se kao nepotpuna.
- c) Neuredne, nepotpune i neblagovremene prijave neće se uzeti u razmatranje.
- d) Sa kandidatima čije prijave budu blagovremene, uredne i potpune održati će se pismeni i usmeni ispit, dok Komisija za izbor kandidata za prijem u radni odnos može Planom rada predvidjeti održavanje i praktičnog ispita, a o čemu će kandidati biti blagovremeno obaviješteni.
- e) Kandidat se sa jednom prijavom može prijaviti samo na jedno radno mjesto.
- f) Generalni direktor zadržava pravo da obavi razgovor sa kandidatima sa Liste uspješnih kandidata, a u svrhu upoznavanja kandidata i adekvatnijeg izbora novih radnika.

**IV Rok za podnošenje prijava na ovaj javni oglas je do 16.05.2025. godine.**

Prijave sa dokazima o ispunjavanju uslova traženih javnim oglasom, dostavljaju se u zatvorenoj koverti neposredno na protokol Dioničkog društva BH Telecom Sarajevo ili putem pošte na adresu:

**Dioničko društvo BH Telecom Sarajevo  
Sa naznakom "Prijava na javni oglas na radno mjesto  
(navesti broj i naziv radnog mjesta)  
u Izvršnoj direkciji za tehnologiju i razvoj servisa – ne otvarati“**

**ul. Franca Lehara 7  
71000 Sarajevo**

Dokumentacija priložena uz prijavu će se čuvati 1 (jednu) godinu nakon izvršenog izbora kandidata (u slučaju sudskog spora, dok traje spor), te istu kandidat može, uz prethodno podneseni zahtjev, preuzeti na protokolu Dioničkog društva BH Telecom Sarajevo nakon okončanja javnog oglasa. Zahtjev za izuzimanje dokumentacije kandidat može podnijeti u roku od 1 (jedne) godine od dana izbora kandidata, putem protokola Dioničkog društva BH Telecom Sarajevo na naprijed navedenoj adresi, nakon čega će dostavljena dokumentacija biti uništena.

Dioničko društvo BH Telecom Sarajevo će lične podatke kandidata dostavljene u prijavi i prijavnoj dokumentaciji obrađivati u svrhu provođenja postupka prijema novog radnik.

**Upute za apliciranje na javne oglase u Dioničkom društvu BH Telecom Sarajevo možete naći na sljedećem linku:**  
<https://www.bhtelecom.ba/karijera/>.